

2021-mut Nunatta Karsiata naatsorsuutaasa akuersissutigineqarnissaannik siunnersuut

pillugu

Kukkunersiuinermut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Kukkunersiuinermut Ataatsimiititaliap suliarinninnermini kingullermik ukuninnga inuttaqarpoq:

Inatsisartunut ilaasortaq Mariia Simonsen, Inuit Ataqatigiit, siulittaasoq

Inatsisartunut ilaasortaq Bjørk L. Olsen, Demokraatit, siulittaasup tullia

Inatsisartunut ilaasortaq Kristian Jeremiassen, Inuit Ataqatigiit

Inatsisartunut ilaasortaq Inatsisartut Dines Mikaelson, Siumut, Doris J. Jensenimut sinniisutut, Siumut

Inatsisartunut ilaasortaq Karl Tobiassen, Siumut

Ataatsimiititaliami ilaasortat ulloq 27. september 2023 inissititerneqarput.

2022-mut Nunatta Karsiata naatsorsuutaasa akuersissutigineqarnissaannik Inatsisartut aalajangiiffigisassaattut siunnersuut ulloq 23. maj 2023 siullermeerneqarpoq.

Imarisaanik nassuiaat

1.	Aallarniut.....	4
1.1	Kukkunersiuinermut Ataatsimiititaliami siunertat suliasallu.....	4
1.2	Kukkunersiuinermut Ataatsimiititaliami nalilersuutit tullerriaarnerat	5
2.	Kukkunersiuinermut Ataatsimiititaliamit Inatsisartunut inassuteqaatit	6
2.1	Suliat Inatsisartunut maluginiaqquneqartut	6
3.	2022-mut Nunatta Karsiata naatsorsuutai pillugit Kukkunersuisut oqaaseqaataat	8
3.1	Naatsorsuutitut oqaaseqaatit pingaarnerit.....	8
3.1.1	Pissutsit, inernernut sunniutillit.....	8
3.1.2	2022-mut naatsorsuutit pillugit kukkunersuisut oqaaseqaataat.....	10
3.1.3	Ukiut naatsorsuuseriffiusut siulii pillugit kukkunersuisut oqaaseqaataat	11
4.	Aningaasaqarnermik kukkunersiuineq	14
5.	Inatsisit atuutsinneqarnerannik kukkunersiuineq	18
6.	Ingerlatsinermik kukkunersiuineq	20
7.	Ingerlatsinermik kukkunersiuinerit anginerit	22
8.	Suliffeqarfiit nammineertitat aamma Namminersorlutik Oqartussat ingerlatseqatigiiffiini kukkunersiuineq	22
9.	Suliat, Kukkunersiuinermut Ataatsimiititaliamit malinnaaffigineqartut.....	22
10.	Siunersiuineq	25
11.	Kukkunersiuinermut Ataatsimiititaliap Nunatta Kukkunersuisussaatut innersuussaa.	26

Ilanngussanut takussutissiaq:

Ilanngussaq 1: Nunatta Karsiata 2022-mut naatsorsuutai pillugit Kukkunersiuinermut Ataatsimiititaliap apeqqutaanut Naalakkersuisut akissutaat.

Ilanngussaq 2: Kukkunersiuinermut Ataatsimiititaliap malitseqartitsilluni apeqqutaanut Naalakkersuisut akissutaat.

Ilanngussaq 3: Naalakkersuisut akissutaannut ilanngussat.

Ilanngussaq 4: Inatsit Tunngaviusussaq pillugu Isumalioqatigiissitaq pillugu kukkunersiuusut nalunaarusiaat (kingusinnerusukkut tamanut saqqummiunneqassaaq) kiisalu Inatsit Tunngaviusussaq pillugu Isumalioqatigiissitamut 2020-2021-mut ukiumoortumik nalunaarusiat.

Ilanngussaq 5: Siunersiuinissamut aggeqqusissut aammalu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumit atortussat.

1. Aallarniut

2022-mut Nunatta Karsiata naatsorsuutai Kukkunersiuinermut Ataatsimiititaliamit misissornerqarput tamannalu tunngavigalugu Naalakkersuisunut allakkatigut apeqqutinik nassiussinikuulluni. Naatsorsuutit pillugit nassuiaatit kiisalu kukkunersiuinermut nalunaarusiaq pillugu Naalakkersuisut oqaaseqaataat aallaqqaasiutigalugit ataatsimiititaliap naatsorsuutit pillugit sulini aallartippaa. Nunatta Karsiata 2022-mut Naatsorsuutai pillugit ataatsimiititaliap suliaqarnerminut atatillugu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq siunersiuinissamut aggersarnikuuaa. Matumani isumaliutissiissut kukkunersiuinermut nalunaarusiami tigulaakkanik, ataatsimiititaliap allakkatigut apeqqutaanit tigulaakkanik kiisalu tassunga Naalakkersuisut oqaaseqaataannik akissuteqaataannillu ilaatigut imaqarpoq.

Apeqqutit oqaaseqaatillu tamarmik Naalakkersuisunit akissuteqarfigineqareernikuusut kiisalu siunersiuinermut aggeqqusissutit isumaliutissiissummut ilanngussatut kakkiunneqarput tak. Inatsisartut aamma Naalakkersuisut pillugit Inatsisartut inatsisaat §18 imm. 1. paasissutissat isertuussassat aamma/imaluunniit inunnut ataasiakkaanut tunngassutillit minillugit, taakkua ilanngussanut ilaatinneqanngillat.

1.1 Kukkunersiuinermut Ataatsimiititaliami siunertat suliassallu

Pisortat aningaasaataannik ingerlatsineq pillugu inatsisartoqarnikkut nakkutilliinerup tapersorsorneqarnissaa pisortatigoortumik kukkunersiuinermi siunertaavoq. Kukkunersiuinermut Ataatsimiititaliap suliassai Inatsisartut aamma Naalakkersuisut pillugit Inatsisartut inatsisaanni §18-imi aamma §19-imi ersarinnerusumik allaqqapput.

Kukkunersiuinermut Ataatsimiititaliap suliassaani pingaarnerpaaq naatsumik oqaatigissagaanni tassaavoq, ukiumut ataasiarluni Nunatta Karsiata Naatsorsuutaanik misissuinissaq tassungalu kukkunersuisut oqaaseqaataannik misissuinissaq. Inatsisartoqarnikkut nakkutiginninnermi makkua misissuinnermit qulakkeerneqassapput 1) naatsorsuutit eqqortuunersut (aningaasaqarnermik kukkunersiuineq), 2) inatsisit, malittarisassat, aningaasaliissutit nalunaarutigineqarnikut allallu najoqqutassat malinneqarnersut (inatsisit atuutsinneqarnerannik kukkunersiuineq), aamma 3) Nunatta Karsiata aningaasaatai malitassat malillugit pisortani pitsaasumik aningaasaqarnikkut aqutsinermi ingerlanneqarsimanersut, tassunga ilanngullugu pisortatigut aningaasalersuinernut atatillugu sipaarniarnissap, naammassisarluarnissap sulilluarnissallu qulakkeerneqarnissaannut sapinngisamik naammaginartumillu qanoq iliortoqarsimanersoq (ingerlatsinermik kukkunersiuineq).

Naatsorsuutit pissutissaqartitsisimappata Kukkunersiuinermut Ataatsimiititaliaq allakkatigut apeqqutinik oqaaseqaatinillu Naalakkersuisunut saqqummiussissaaq. Taamaattoqartillugu Naalakkersuisut kukkunersiuinermut nalunaarummut akissutaat kiisalu oqaaseqaataat Kukkunersiuinermut Ataatsimiititaliap isumaliutissiissutaanut ilanngunneqartarput, taannalu aappassaaneerinninneri Inatsisartunut saqqummiunneqartarpoq. Tamanna tunngavigalugu

Inatsisartunit aalajangiiffigineqartarpoq, Kukkunersuinermit Ataatsimiititaliamit isornartorsiuqassaqartillugu, ingerlatsinermit akisussaasuusumut kinguneqartitsisoqassanersoq. Nunatta Karsiata Naatsorsuutaanik ataatsimiititaliap misissuineranut atatillugu Kukkunersuinermit Ataatsimiititaliaq isornartorsiuqassaqartillugu, Naalackersuisut tassaassapput – naalackersuinikkut akisussaasuusutut – pissutsit pineqartut pillugit aaqqiissuteqarniartussat.

Isumaliutissiisummi matumani siunertaq tassaavoq:

- Naalackersuisut aningaasaliissutaasunik qanoq ingerlatsisimanerat pillugu kiisalu Inatsisartut aalajangiiffigisaat atuuffissaannut ingerlateqqissimaneraat Inatsisartunut ilisimatitsissutigissallugu.
- Peqqussutigineqassalluni isornartorsiuqassaqartillugu Naalackersuisut iliuuseqarlutillu aaqqiissuteqartarnissaat. Taamaattoqartillugu pissutsit qanoq aaqqiiviginiarneqarnersut pillugu Naalackersuisut akisussaasuusut ataatsimiititaliamit nassuiaateqaqquneqartassapput. Naammaginatunimik akisoqanngippat aamma naammaginatunimik pitsanngoriaateqartoqanngippat suliaasaq Kukkunersuinermit Ataatsimiititaliami iperarneqarunnangilaq.

Tassani Kukkunersuinermit Ataatsimiititaliap Namminersorlutik Oqartussat aktiatigut soqutigisaannik Naalackersuisut suliaqarnerat nakkutigissallugu tak. Inatsisartut aamma Naalackersuisut pillugit Inatsisartut inatsisaanni §19, nr. 26, 18. november 2010-meersoq. Nakkutilliinermut atatillugu aktianik piginneqatigiiffiit Namminersorlutik Oqartussanit tamakkiisumik pigineqartut imaluunniit piginneqataaffigineqartut ingerlanneqarnerini aningaasaqarnikkut tulluurtumik isumagineqarnissaat Naalackersuisunit naammattumik qulakkeerniarneqarsimanersoq pillugu ataatsimiititaliaq naliliisinnaavoq.

1.2 Kukkunersuinermit Ataatsimiititaliami nalilersuutit tulleriiaarnerat

Kukkunersuinermit Ataatsimiititaliap oqaaseqaatai nalilersuutit tulleriiaarnerat tulliuututigit allaqqasoq aallaavigalugu suliarineqarput:

Nalilersuutit tulleriiaarnerat

Uparuaaneq pitsaasoq	Pitsaasorujussuurtut isigaa Pitsaasutut isigaa Naammaginatutut isigaa/naammagisimaarpaa
Uparuaaneq ajorpallaanngitsaq	Naammaginarpallaanngitsutut isigaa
Uparuaaneq naammaannartoq	naammaginangitsutut isigaa uparuarpaa/naqissuserpaa/peqqusivoq/naatsorsuutigaa ajuusaarutigaa/ernumanartippaa/aarlerinartippaa
Uparuaaneq sakkortoq	isornartorsiorpaa/isornartoqartippaa/sakkortuumik isornartorsiorpaa Uparuarppaa/sakkortuumik uparuarpaa
Uparuaaneq sakkortunerpaaq	sakkortuumik uparuarpaa immikkullu Inatsisartunut malugeqqullugu

2. Kukkunersiuinermut Ataatsimiititaliamit Inatsisartunut inassuteqaatit

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. november 2016-imeersumi kingusinnersukkut allannguuteqartoq, kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-mersooq naapertorlugit 2022-mut Nunatta Karsiata Naatsorsuutai pillugit Kukkunersiuinermut Ataatsimiititaliaq isumaliutissiissut matumaniittoq tunniuppaa.

Inatsisartut inatsisaanni taaaneqartut §38 aamma §39 naapertorlugit Nunap Karsiata kukkunersiuisuanit Nunatta Karsiata 2022-mut naatsorsuutai piunasaqqatitaqanngitsumik atsiorneqarput, tamanna ima isumaqarpoq, Nunap Karsiata naatsorsornissaanut ileqqut malillugit 2022-mut naatsorsuutit ataatsimut isigalugit eqqortumik takutitsisimasut.

Nunatta Karsiata Naatsorsuutaanik kukkunersiuineq kiisalu Kukkunersiuinermut Ataatsimiititaliap naatsorsuutinik suliaqarnera tunngavigalugit **Nunatta Karsiata 2022-mut Naatsorsuutai Inatsisartuni akuerisassanngorlugit innersuussutigineqarput.**

2.1 Suliat Inatsisartunut maluginiaqquneqartut

Nunatta Karsiata Naatsorsuutai pillugit inassuteqaammut Kukkunersiuinermut Ataatsimiititaliaq malitsigisaanik oqaaseqaasiorpoq, taakkua Inatsisartunut maluginiaqquneqarlutik:

2022-mut Nunatta Karsiata Naatsorsuutai kukkunersiuisunit pingasunik oqaaseqaateqarfigineqarput, taakkua immikkoortoq 3.1.2 ataani eqqaaneqarlutik. Tassunga kukkunersiuisunit oqaaseqaatinik sisamanik ukiuni naatsorsuuseriffiusuni siuliineersunik suli peqarpoq, taakkua immikkoortoq 3.1.3 ataani takuneqarsinnaapput.

Ilanngullugu pissutsit tulliuttuni allassimasut Inatsisartunit immikkut maluginianeqarnissaat Kukkunersiuinermut Ataatsimiititaliamit kissaatigineqarpoq.

2.1.1 Inatsit Tunngaviususaaq pillugu Isumalioqatigiissitap ingerlatsivigineqarnera:
Inatsit Tunngaviususaaq pillugu Isumalioqatigiissitamik ingerlatsinerup **naammaannartutut uparuarnissaa** ataatsimiititaliami amerlanerussuteqartunit Inuit Ataqtigiinnit Siumimiillu immikkoortoq 9-mi imm. 1-imi tunngavissaqartinneqarpoq, ataatsimiititaliamili ikinnerussuteqartup Demokraatineersup Inatsit Tunngaviususaaq pillugu Isumalioqatigiissitamik ingerlatsinerup **sakkortuumik uparuarnissaa** tunngavissaqarsoraa.

- 2.1.2 Ilassutitut aningaasaliissuteqarnissamik suliat: Ilassutitut aningaasaliissuteqarnissamik qinnuteqaatit 2022-mi amerlasimasut pillugu ataatsimiititaliaq ilisimatitsissuteqarfigineqarpoq. 2020 kingorna ilassutitut aningaasaliissuteqarnissamik suliat ikinnerusarsimani nalinginnaasuusimasoq Naalakkersuisut akissuteqaamminni nassuiaateqarfigaat. Naalakkersuisut akissuteqaataat ataatsimiititaliamit tusaatissatut tiguneqarpoq nalinginnaasuusimaneralu ajunngitsutut isigalugu. Ilutigisaanillu ataatsimiititaliamit maluginiarneqarpoq tamanna susassaqqarfik 40 (Ilinniartitaanermut, Kultureqarnermut, Timersornermut Ilageeqarnermullu Naalakkersuisoqqarfiup) iluani taamaassimanngitsoq, tassani ukiumi naatsorsuuseriffiusumi 2022-mi missingersuutitigut qaangiinerit uteqqiassimallutillu annertusimallutik. Tamanna tunngavigalugu naatsorsuutini ingelatsinermi kingusissukkat aqqiisoqqartariaqarsimani ataatsimiititaliamit **naammaannartumik uparuarneqarpoq.**
- 2.1.3 Isumaginninnikkut kommunit aningaasartuutaannik utertitsinissamut aningaasartuutini kukkusumik piffissalersuineq: Pissutsit immikkoortoq 3.1.1 ataani imm. 1-imi suliarineqartut ataatsimiititaliamit **naammaannartumik uparuarneqarput.** Uparuaanermut tunngavigineqarpoq Naalakkersuisut ajornartorsiummut annerusumik iliuuseqarsimasinnaagaluartut, taamaalilluni susassaqqarfimmi nakkutilliinermik sulineq nukittunerusimassagualarluni.

3. 2022-mut Nunatta Karsiata naatsorsuutai pillugit Kukkunersiuisut oqaaseqaataat

Kukkunersiuisoq avataaneersoq Inatsisartunit toqqarneqartoq 2022-mut Nunatta Karsiata Naatsorsuutai pillugit oqaaseqaatiminik kukkunersiuisut nalunaarutaanni tunniussivoq. Nalunaarut kiisalu Naalakkersuisut tassunga oqaaseqaatai isumaliutissiisummi matumani ilanngussatut ilaatinneqarput. Nunatta Karsianut kukkunersiuisup oqaaseqaatai kiisalu tassunga Naalakkersuisut akissuteqaatai pillugit eqikkaaneri tulliuttutigut ersarissaavigineqarput.

3.1 Naatsorsuutininut oqaaseqaatit pingaarnert

Nunatta Karsianut kukkunersiuisup 2022-mut Nunatta Karsiata Naatsorsuutai pillugit **nangaassuteqarnani oqaaseqaateqarfigai**. Tamanna ima isumaqarpoq Nunatta Karsia pillugu naatsorsueriaatsit eqqarsaatigissagaanni naatsorsuutit ataatsimut isigalugit eqqortumik takutitsisut. Inerniliussarli pissutsinut marlunnut pingaarutilinnut oqaaseqaatinik nassataqarpoq, taakkua ukiumut inernernut sunniuteqarlutik, kiisalu 2022-mut naatsorsuutiniittut ilai Nunatta Karsianut kukkunersiuisumit immikkut maluginiarneqartut kukkunersiuinermi oqaaseqaateqarfigineqarlutik.

3.1.1 Pissutsit, inernernut sunniutillit

Nunatta Karsianut kukkunersiuisup pissutsit 2022-mut inernernut sunniutillit maluginiarpai:

- 1) Inatsisit tunngavigalugit inunnut aningaasanik nuussisarnerit kommuninit aningaasartuuteqarfiusut utertinneqarnissaannut aningaasartuutit piffissalersorneqarneri

Isumaginnittoqarfimmi aningaasartuutit utertinneqarnissaat pillugit Namminersorlutik Oqartussat 2022-mi akileeqqusissutinik arlalinnik kommuninit tigusaqarnikuuvoq, taakkua ukiunut naatsorsuuseriffiusunut siuliinut tunngassuteqartuullutik. Ersarinnerusumik ima isumaqarpoq, isumaginnittoqarfiup iluani kommunit Namminersorlutillu Oqartussat akornanni utertinneqartussat naatsorsuutininut allanneqartarneri kinguaattooruteqartartut, tamannalu naatsorsuutitigut ersarlutsitsisinnaasarluni.

Aningaasartuutit 2022-mut naatsorsuutininut ilanngunneqartut, kisiannili 2021-mut imaluunniit ukiunut naatsorsuuseriffiusunut siusinnerusunut tunngasuugaluartut, katillugit 65 mio. kr. missaaniipput. Tamatuma saniatigut aningaasartuutit 10 mio. kr. missaaniittut ukiumut naatsorsuuseriffiusumut 2022-mut tunngassutillit aatsaat 2023-mut naatsorsuutininut allatorneqartussaapput. Ataatsimut isigalugu 2022-mut naatsorsuutit 55 mio. kr. missaannik sunniuteqarfigissavai.

Susassaqrarfiup iluani nakkutilliinerup sanngiitsorujussuarmik inissisimaneranik paasinarsititsisutut nalilerneqarpoq. 2021-mut naatsorsuutit suliarineqannginnerini

utertinneqartussat pillugit akiligassap ilarujussua tiguneqarsimammat taamatut inerniliinnermut tunngavileeqqippoq.

Isumaginninnermut, Sulisoqarnermut Nunamullu Namminermut Naalackersuisoqarfik nalunaarusiamut oqaaseqaatiminni oqaatigaat, ajornartorsiut naalackersuisoqarfimmit ukkatarineqartoq, taamaammat 2023-mut naatsorsuutit qulaani pineqartunit annikinnerusumik sunnerneqarnissaat naalackersuisoqarfimmit naatsorsuutigineqartoq.

Susassaqarfiup iluani nakkutilliinnermut suliat nukittorsarneqarnissaannik kukkunerisuisut innersuussutaat naalackersuisoqarfimmit ukkatarineqarpoq. Taamatut suliaqarnermi ilaatigut isumaginnittoqarfimmi aningaasaqarnikkut sulisussamik naalackersuisoqarfik pissarsiorpoq, tassani aningaasaqarnikkut nakkutilliineq nukittorsarniarneqarluni kiisalu Naalackersuisut kommunillu akornanni attaveqaqatigiinneq pitsaanerusoq qulakkeersinnaajumallugu.

Naatsorsueriaatsip nutaap, kommunit Namminersorlutillu Oqartussat akornanni naatsorsuinissamut tunngavissanik assigiissitsilertussap, eqqunneqarnerata kingorna kommunit ataasiakkaat natsorsuutitut allattuisarfittut systemiminnik nutarsarsimanginnerat peqqutaalluni naatsorsuutini kukkusumik piffissalersuisimaneq pillugu nassuiaatip ilagigaa Kukkunerisuinnermut Ataatsimiititaliamit ilisimaneqarpoq. Ilutigisaanillu ataatsimiititaliamit ilisimaarineqarpoq isumaginnittoqarfimmi kukkusumik piffissalersuisarsimanagermut ajornartorsiummut tamanna kisimi nassuiaatissaanngitsoq. Tassunga ilaavoq kommunini suliap kivinnissaanut kiisalu Namminersorlutik Oqartussani susassaqarfiup iluani nakkutilliinnermut suliat naammaginantumik ingerlanneqarnissaannut isumalluutitik amigaateqartoq.

Akiligassiissutit suut kukkusumik piffissalersorneqarlutik naatsorsuutitut allattorneqarsimanersut pillugit Kukkunerisuinnermut Ataatsimiititaliaq paasitinneqarnikuvoq. Naalackersuisut susassaqarfimmi nakkutilliinnermut sulinerit nukittorsarneqarnissaat pillugu innersuussutit malissagaat ataatsimiititaliamit naatsorsuutigineqarpoq.

2) Mittarfeqarfinniit aningaasat pissarsiassat nalikilliliiffigineqartut

Mittarfeqarfiit suliffeqarfittut namminersortitatut ingerlanneqarnermiit ingerlatseqatigiiffittut allanngortinneqarneranut atatillugu aningaasat pissarsiassat 115 mio. kr. missaaniittut Namminersorlutik Oqartussaniit nalikilliliiffigineqarput.

Akiitsut taamaatinneqarnerat aktiaatit nalingisa qaffariataannut, Namminersorlutik Oqartussanit tiguneqartussamut, ataqatigiissutut isigineqassaaq. Namminersorlutik Oqartussat ingerlatseqatigiiffimmut piginneqataassutaat, nalilersuinnermit nalunaarusiaq

aallaavigalugu 170 mio. kr. missaanniittussat nalilerneqartoq, 2023-mut naatsorsuutini Namminersorlutik Oqartussat nammineq aningaasaataattut ilanngunneqarnissaa naatsorsuutigineqarpoq.

3.1.2 2022-mut naatsorsuutit pillugit kukkunersuiisut oqaaseqaataat

Kukkunersuiisut oqaaseqaataat tulliuuttutigit allaqqasut Nunatta Karsiata kukkunersuiisuanit 2022-mut naatsorsuutininut kukkunersuiisut nalunaarutaanni allaqqapput:

1) ESU aamma BSU taarsigassarsititsinernik allaffissornerit

Aningaasanik attartortitsisarnermut systemi aqqutigalugu, nutaamik taarserneqartussaq, 1,9 mia. Kr. missaani akiitsut pillugit ullumikkut Namminersorlutik Oqartussani allaffissornermi sulianut ilaapput. Aningaasanik attartortitsisarnermut systemip nutaap pissarsiarineqarnissaanut piareersarnermut atatillugu Namminersorlutik Oqartussat aningaasanik attartortitsinermut immikkoortortaanik ingerlatsinermi ajornartorsiutit arlallit maluginiarneqarsimapput. Tassani annertut pineqartut tassaallutik aningaasanik attartornerit erniaqanngitsut akilersugassaanngitsullu, taakkua akilersorneqarnissaannik piumasaqarfigineqarsimanatik imaluunniit ernianik aningaasanik tigusassanngortitsisoqarsimanani. Ilimagineqarpoq tassunga atatillugu ernianit isertitassaraluit 400.000 kr. tikillugit Namminersorlutik Oqartussaniit tigungnitsoorneqarsimassasut.¹

Nunatta Karsiata kukkunersuiisuanit maluginiarneqarpoq aningaasanik attartortitsisarnermut systemi nutaaq pissutsinut pitsanngorsaataassasoq, kisiannili ilutigisaanik innersuussutigalugu aningaasanik attartortitsinerit nalunaarsorneqarnerisa ingerlaasaat taakkuninnga malitseqartitsisarnerit nalilersorneqaqqissasut.

Qitiusumik Naatsorsuuseriffiup kukkunersuiisut oqaaseqaataat isumaqatigaat maluginiaqqullugu 2023-mi ilassutitut aningaasaliissutit aqqutigalugit aningaasanik attartortitsisarnermut systemip nutaap inerisaqqinneqarnissaanut 1,5 mio. kr.-t aningaasaliissutigineqarsimasut. aningaasanik attartortitsisarnermut systemi nutaaq 2024 ingerlanerani atuutilersinneqarnissaa naatsorsuutigineqarpoq.

Ilisimatitsissutigineqartut Kukkunersuiinermut Ataatsimiititaliamit tusaatissatut tiguneqarput naatsorsuutinilu aggertuni aningaasanik attartortitsisarnermut systemip nutaap atuutilersinneqarnissaa ilutigalugu aningaasanik attartortitsinerit nalunaarsorneqarneri kiisalu akilersuisitsinerit ernialersuinerillu qanoq pitsanngorsaavigineqarsimanersut malinnaavigineqarumaarluni.

¹ Deloitte (2023): *Kalaallit Nunaanni Namminersorlutik Oqartussat: 2022-mi kukkunersuiinermi nalunaarut (Kukkunersuiisut nalunaarutaat)*, pp. 1443

2) Aningaasartuutunik Covid-19-imut attuumassutilinnik naatsorsuinerit kukknersiunerillu

Covid-19-imut tapiissutunik agguasarneq pillugu avataanersunik kukknersiuisoqarnissaa 2020-mi aalajangiunneqarpoq, Covid-19-imut tapiissutunik tigusinikut taakkuninnga pissarsinissaminut pisinnaatitaasimanersut paasiniarneqarnissaa tassani siunertarineqarluni. Nunatta Karsianut kukknersiuisoq arlaleriarluni qinnuteqareerluni kingullermillu kukknersiuisut oqaaseqaataannik tunniussereerluni susassaqaarfimmut naalakkersuisoqarfiup nalunaarusiaanik aatsaat tigusaqarpoq.

Covid-19 ikiorsiissutit tunniunneqartarnerinik nakkutilliineq pillugu kukknersiuisut nalunaarutaat ataatsimiititaliamit suliarineqarpoq. Tassani ataatsimiititaliap maluginiarpaa nalunaarusiami pissutsinik erseqqissaanerit nassuiaanermik ersarluttumik pissuteqartut. Eqqortumik oqaatigineqassaaq nalunaarusiaq suliamik piviusumik suliarinninnissamut nakkutilliinermut killilerneqarsimasoq.

Covid-19 ikiorsiissutit tunniunneqartarneri Covid-19 nalaani pisutsit immikkut eqqarsaatigissagaanni, naammaginartumik ingerlanneqarsimasut ataatsimiititaliamit nalilerneqarpoq. Taamaattumik suliaq naammassisutut Kukknersiuinermut Ataatsimiititaliamit isigineqarpoq.

3.1.3 Ukiut naatsorsuuseriffiusut siulii pillugit kukknersiuisut oqaaseqaataat

Ukiunut naatsorsuuseriffiusut siuliinut kukknersiuisut oqaaseqaataat tulliuuttutigit allaqqasut suli ammapput, taamaattumik Nunatta Karsianut kukknersiuisoq suli pissutsinut malinnaasoq.

Maluginiaqquneqarpoq, pissutsit ammasut pillugit Naalakkersuisut suliniutunik aallartitsisariaqartut, kisiannili tassani sunniutissarpiaa suli takkunnikuunngilaq taassuma aalajangiiffigineqarneraniit sunniuteqarnissaanut piffissaq ingerlaqqaartussaammat.

1) Namineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq (2013)

Akissarsiat tamakkiisut allattorsimaffiinik saqqummiussisarnissamut tassungalu nakkutilliisarnissamut systemimik nutaamik pitaarnerup kingorna akissarsiat tamakkiisut allattorsimaffiinik nakkutiginninneq pitsaanerulersimasoq Nunatta Karsianut kukknersiuisoq nalilivoq. Taamaattorli susassaqaarfiup iluani suli unammillernartoqarnera pequtaalluni kukknersiuisut oqaaseqaataat attatiinneqassapput.

Namminersorlutik Oqartussani immikkoortortanut, akissarsianut systemip atuuttup iluani akissarsiat tamakkiisut allattorsimaffiinik suli akuersinikuunngitsunut, siunnersuisarneq Aningaasaqarnermut Sulisoqarnermullu Aqutsisoqarfiup

annertusinikuuaa. Pilersuisuni ajornartorsiutit peqqutaallutik kinguaattoornerit malitsigisaannik akissarsianut systemip nutarterneqarnissaa 2023 naanerani / 2024 aallartinnerani pissasoq naatsorsuutigineqarpoq.

*Pissutsit pitsanngoriaateqarsimasut Kukkunersiuiinermut Ataatsimiititaliamit pitsaasutut isigineqarpoq. Taamaattorli susassaqrarfiup iluani suli unammillernartoqarnera **isornartorsiugassaalluni**, tassami ajornartorsiutaasoq piffissami ukiuni qulingajanni ingerlareersimammat. Tassunga ataatsimiititaliamit maluginiarneqarpoq periutsit qaammatikkaartumik naligiissaarinerit qulakkeerniarlugit 2021-mi atuutilersinneqarsimasut, systemimik allannguisoqarnera peqqutaalluni 2022-mi ingerlanneqarsimangitsut.*

2) Pisortatut aqqissuussanut allanut pissaqaqatigiissutsit naligiissarneqarnerat (2020)

Aningaasat pissarsiassat akiitsullu naligiissarneqarnissaanut tunngatillugu pisortaqarfiit ingerlatseqatigiiffiillu tamakkiisumik pigineqartut akimorlugit ataqatigiissitsinissap qulakkeerniarneqarnissaanut atatillugu Namminersorlutik Oqartussat pingaarnertut inissisimavoq. Illugiiffaarissutsip taassuma qulakkeerneqarnissaa pillugu 2022-mi annertuumik sulissutigineqarpoq kiisalu Namminersorlutik Oqartussat, pisortaqarfiit aammalu ingerlatseqatigiiffiit tamakkiisumik pigineqartut akornanni pissaqaqatigiissutsit naligiissarneqarnerat. Taamaattorli Nunatta Karsianut kukkunersiuisup kukkunersiuisut oqaaseqaatai ammatippai suli kommunit arlallit isumannaagassaqrarfigineqarmata.

Qitiusumik Naatsorsuuseriffik 2023-mi susassaqrarfimmut suli ukkatarinninniarpoq, tassani susassaqrarfiup iluani aqutsisoqrarnikkut ingerlatsineq nukittorsarneqarsimalluni.

*Susassaqrarfiup iluani pitsanngorsaanerit peqqutaallutik Kukkunersiuiinermut Ataatsimiititaliaq **pitsaasumik uparuaateqarpoq.***

3) IT- atuisunik aqutsineq (2021)

Naalakkersuisuni IT-mik nakkutilliisut naapertuuttut tamakkiisumik inerisimassuseqartuunissaat pillugu Nunatta Karsianut kukkunersiuisoq naliliinikuuvoq. Tassunga atatillugu susassaqrarfiit arlallit pitsanngorsaavigineqarsinnaasutut nalilerneqarsimapput, tassunga ilaalluni ingammik atuisunik allaffissornermik periusissiamik pisortatigoortumik suliaqartoqassasoq.

Naalakkersuisut innersuussutigaat Digitaliseeriinissamut Aqutsisoqrarfiup IT-mut immikkoortortaqarfianut immikkoortortat qinnuteqarnerisigut atuisunik pilersitsineq atorunnaarsitsinerlu pissasut. Taanna pillugu maluginiaqquneqarpoq 2023-mi nuna

tamakkerlugu digitaliseerinermit periusissiasaq suliarineqarluni aallartereersaq, tannalu qitiusumik allaffeqarfimmi 2025 naanerani/2026 aallartinnerani atuutilersinneqarnissaa naatsorsuutigneqarsinnaasoq. Nunat tamalaat akornanni paasissutissat isumannaatsuunissaanut ileqquusup (den internationale informationsikkerhedsstandard) ISO 27001 atuutsinneqalernissaa periusissiamut ilaatinneqarpoq, taanna ilaatigut isersinnaanermut pisinnaatitaaffiit pillugit nakkutilliinernik ingerlaatsinillu assigiinngitsunik aalajangersaasuulluni.

Taaneqartut Kukkuersiuiinermut Ataatsimiititaliamit tusaatissatut tiguneqarput taakkualu nuna tamakkerlugu digitaliseerinermit periusissiasamat qitiusumik allaffeqarfimmi IT-mik nakkutilliinissamat nukittorsaataasussatut pitsaasutut isigalugu.

Taamaattorli susassaqarfiup iluani nuna tamakkerlugu digitaliseeriinermut periusissiaq aqqutigalugu pissutsit nukittorsarneqarnissaata tungaanut, Nunatta Karsiata kukkuersiuisuata innersuussutaanut naapertuuttunik Naalakkersuisut suliniutinik aallartitsinissamik suliaqarnissaat ataatsimiititaliamit kissaatigineqarpoq.

4) Pisiniartarfinnut akiitsut aamma aningaasaateqarfinni uninngasuutit naleqqatigiissinneqarnerat (2021)

Akiligassaqarfigisat illugiillutik pissaaqatigiinnerat pillugit naligiissaarinermit ingerlatsinerunissamat suli peqqutissaqartoq Nunatta Karsiata kukkuersiuisua isumaqarpoq.

Qitiusumik Naatsorsuuseriffiup kukkuersiuisut innersuussutaat malinniarpai aammalu pisiniartarfinnut pingaarnernut qulinut qaammatikkuutaartumik naligiissaarinermit kiisalu naligiissaarinerit nakkutilliiffigneqarnerannik ingerlatsisoqartassasoq.

*Qitiusumik Naatsorsuuseriffiup susassaqarfimmik nukittorsaanissamat suli aallussinerat pillugu Kukkuersiuiinermut Ataatsimiititaliaq **pitsaasumik uparuaateqarpoq.***

4. Aningaasaqarnermik kukkunerisuineq

Kukkunerisuisoq avataaneersoq Inatsisartunit toqqarneqartoq Namminersorlutik Oqartussat ukiumoortumik naatsorsuutai pillugit aningaasaqarnermik kukkunerisuinerimik ingerlataqarnikuvoq, tassani kukkunerisuinerimut ilaatinneqarlutik naatsorsuutit sutigut tamatigut eqqortumik takutitsinersut, ima paasillugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. November 2016-imeersoq kingusinnerusukkut allanngortinneqartoq naapertorlugu kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq naapertorlugu annertuumik kukkunertaqassanngillat amigaateqaratillu.

Tulliuttutigut allaqqasuni pissutsit Nunatta Karsiata kukkunerisuianit aningaasaqarnermi kukkunerisuinerimut maluginiarneqarsimasut misissorneqarput.

1) Nammineq nakkutilliineq

Suliffeqarfiup nalunaarutiginninnermik aqqissuussai, suleriaatsikkut atugai aamma nammineq nakkutilliinerup illersorneqarsinnaasumik atuuffeqarnerannik naliliinerit kukkunerisuinerimi ilanngunneqarput, tassanilu nalilersinnaajumallugu naatsorsuutininik saqqummiussinerimut tunngavissat naatsorsuuserinerimi piffissaq eqqorlugu nalunaarsorneqarsimanersut.

Naliliineq:

Nunatta Karsiata kukkunerisuisuata nalilerpaa suliffeqarfiup nammineq nakkutilliinera nammineq nakkutilliinernik illersorneqarsinnaasunik pigisaqarnermut aamma paasissutissanik naatsorsuutininut tunngassuteqartunik uppernassuseqartunik suliaqarsinnaanermut sutigut tamatigut sunniuteqaqataasut. Taamaattorli Nunatta Karsiata kukkunerisuisuata nalilerpaa:

- Susassaqarfinni ataasiakkaani nakkutilliinerit pilersinneqarsimasut sanngiippallaanngikkunik tamatigorluinnaq aalajangersimasumik ingerlanneqartanngitsut.
- Namminersorlutik Oqartussani aarlerinaatinik naliliinerit aamma aqutsinerit aqqissuussaasumik aalajangersakkamillu suliarineqartanngitsut.

2) IT-mik atuineq aamma IT-mik nakkutilliineq

IT-mik nakkutilliissutit nalinginnaasut toqqakkat pillugit nalilersuineq tassungalu ukiumut naatsorsuutit kukkunerimik pingaarutilinnik imaqarsinnaanernut aarlerinaatit kukkunerisuinerimi naammassineqareerput

Naliliineq:

Nunatta Karsiata kukkunerisuisuata nalilerpaa susassaqarfiit pingaarutillit arlallit pitsanngorsaavigineqarsinnaasut. Tassunga ilanngullugu Nunatta Karsiata kukkunerisuia susassaqarfinni pitsanngorsaataasinnaasutut innersuussutinik

tunniussaqaarnikuuvoq, taakkualu kukkunersuiusut nalunaarutaanni takuneqaarsinnaapput.²

- 3) Pisortat kontonut pilersaarutaannik ataatsimoorussamik atugaarneq
Pisortat kontonut pilersaarutaannik ataatsimoorussamik nutaamik ineriartortitsisoqarpoq atuutsitsinermillu ingerlatsisoqarluni Namminersorlutik Oqartussani kommuninilu aningaasaqarnermik aqutsinermut pitsanngorsaataasussamik.

Naliliineq:

Nunatta Karsiata kukkunersuiusuata nalilerpaa ingerlatsivinni suli unammilligassaqartoq – pingaartumik aningaasaqarnermut kontonut pilersaarummik atugaarneq eqqarsaatigalugu. Kontonut pilersaarutit pillugit paasinninnissamik pitsanngorsaaneq anguniarlugu sulianik ataavartumik ingerlatsisoqartarpoq.

- 4) Peqatigiiffinnut suliffeqarfinnullu tapiissutit
Peqatigiiffinnut suliffeqarfinnullu tapiissutit qanoq naatsorsuutinit allanneqartarnersut kukkunersuiusut nakkutigaat.

Naliliineq:

Ukiumoortumik naatsorsuutini peqatigiiffinnut suliffeqarfinnullu tapiissutit atuuffitsik tunngavigalugit agguataarneqaarsimapput. Nunatta Karsiata kukkunersuiusuata innersuussutigaa naatsorsuutini inissitikkat siunissami qulequttanut pingaarnernut pingasunut agguataarneqaqqullugit, tiguisusaaq pillugu erseqqissaasikkanik (kiffartuussinissamat isumaqatigiissutit, ingerlatsinermut tapiissutit, qinnuteqarnerup kingorna tapiissutit).

- 5) Innuttaasunit suliffeqarfinniillu pissat
Innuttaasunit suliffeqarfinniillu pissanit annaasat naaperiarniarlugit Namminersorlutik Oqartussat matussutissanik illikartitsisarnerat kukkunersuiuinermit ilaatinneqarpoq.

Naliliineq:

Akileraarutinit tunngatillugu annaasanut illuartitat ulloq 31. december 2022, 385 mio. kr.-it missaannik amerlassuseqarput.

Innuttaasunit suliffeqarfinniillu pissat allat pillugit annaasanut illuartitat ulloq 31. december 2022, 1 mio. kr.-it missaannik amerlassuseqarput.³

- 6) CVR nr.-it allat ataanni aningaasat tigorianaat kontui
Aningaasat tigorianaat kontuinik misissuineq kukkunersuiuinermit ilaapput.

Naliliineq:

² Deloitte (2023): *Kalaallit Nunaanni Namminersorlutik Oqartussat: 2022-mi kukkunersuiuinermit nalunaarut (Kukkunersuiusut nalunaarutaat)*, pp. 1436-38

³ Deloitte (2023): *Kalaallit Nunaanni Namminersorlutik Oqartussat: 2022-mi kukkunersuiuinermit nalunaarut (Kukkunersuiusut nalunaarutaat)*, pp. 1441

Nunatta Karsiata kukkunersiuisuata uppersarsinnaavaa aningaaserivinni kontot tamarmik Namminersorlutik Oqartussat CVR nr.-iata ataani aningaaseriviit allattugaataanni ilaanngitsut. Tamanna ASA peqatigalugu eqqartorneqarnikuuvoq, tassannga ilisimatitsissutigineqarpoq taassuma allannguuteqarnissaanut periarfissat misissorlugit aallartinneqarsimasoq, taamaaliorluni aningaaserivimmi kontut tamarmik Namminersorlutik Oqartussat CVR nr.-anut attuumassuteqartunngoqqullugit.

7) Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat

Kukkunersiuiinermut atatillugu Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaqaqatigiissutit akornanni naligiissarinerit misissorneqarnerat kukkunersiuiinermut ilaapput.

Naliliineq:

Nunatta Karsiata kukkunersiuisuata nalilerpaa taakkua 2022-mi pitsaanerulersimasut. Taamaattorli suli ataasiakkaanik pitsanngorsagassaqarpoq. Assersuutigalugu immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissarinerimik ingerlatsivigineqarsimasumik nassaassalluni ajornakusoorpoq.

Nuussinerit tamakkua digitalisererneqarsinnaanerannik misissuisoqaqqullugu kiisalu immikkoortumi sulinerup illuatungeriinnit tamanit salliunneqartalernissaa innersuussutigineqarpoq.

8) Kukkunerit iluarsineqarsimannngitsut

Ukiumoortumik nalunaarummi iluarsineqarsimannngitsut pillugit aningaasaqarnermik kukkunersiuiinerup ataani ilisimatitsissutigineqassapput.

Naliliineq:

2022-mut naatsorsuutini kukkunerit iluarsineqarsimannngitsut tulliuuttutigut allaqqapput:

- Namminersorlutik Oqartussat isumaginninnermi ikiorsiissutitut kommunit aningaasartuutaannik utertitsinerannut atasumik piffissalersuinnermi kukkunerit 60 mio. kr. missaanniipput (takuuk immikkoortoq 3.1.1. ataani imm 1, tassani pissutsit suliarineqarsimallutik).
- Taarsigassarsiat ernialerneqannngitsut akilersorneqartussaangitsullu Okr-mut naatsorsuutitut allanneqarsimapput. Ernialersuineq aamma piffissaq akiliuteqarfiusussaannngitsoq taamaattippat taarsigassarsiat nammineq aningaasaatinut ilanngullugit allanneqassapput. Taarsigassarsianut tunngatillugu allannermik suliaqartoqarsimannnginneranik Nunatta Karsiata kukkunersiuisua assersuutiniq naammattuiniikuuvoq. Taamaattoqarsimaneranut sunniutaasimasussat 20 mio. kr.-nik qaffasinnerusimanissaat eqqoriarneqarpoq.

- Ernianik allattuineq aammalu akilersueqqusinerillu aallartinneqarsimannngitsut naammattuukkat ilagaat, taakkualu peqqutaallutik ernianit isertinneqartussaagaluartut 400.000 kr. tikillugit Namminersorlutik Oqartussanit pissarsiarineqanngitsoorput (takkuuk immikkoortoq 3.1.2. ataani imm. 1, tassani pissutsit suliarineqarsimallutik).

5. Inatsisit atuutsinneqarnerannik kukkunersiuineq

Namminersorlutik Oqartussat 2022-mut naatsorsuutai pillugit inatsisit atuutsinneqarnerannik kukkunersiuineq avataaniit kukkunersiuusumit Inatsisartunit toqqarneqartumit ingerlanneqarnikuvoq, tassani inatsit, malittarisassat aamma nalinginnaasumik ileqqut malinneqarnerat misilerarneqartussaalluni.

Tulliuttutigit allaqqasuni Nunap Karsiata kukkunersiuusuanit inatsisit atuutsinneqarnerannik kukkunersiuinermi maluginiarneqartut misissorneqarput.

1) Neqerooruteqartitsinermi malittarisassat aamma pisiniarnermi politikkit eqquutinneqarnerat

Neqerooruteqartitsinermi aamma pisiniarnermi politikkit eqquutinneqarnerat aamma neqerooruteqartitsinermi killiliussat eqquutinneqartinnerat kukkunersiuinermi sammeneqarput.

Naliliineq:

Nunap Karsiata kukkunersiuusuata 2021-mi suliassaqarfik itisilikkamik nakkutilliiffigaa, taamaattumik 2022-mut kukkunersiuineq sutigit tamatigit malitseqartitsinerusimalluni.

Naatsorsuutininik immikkoortortat arlallit pisiat 500.000 kr. sinnerlugit akillit pisiniartarnermut allaffimmut nalunaarutigineqarnissaat pillugit malittarisassanik ilisimasaqarsimangillat. Taamaattumik innersuussutigineqartoq malittarisassanut allaffissornermut paasisutissiinermik sulineq pitsanngorsarneqaqqullugu.

2) Akissarsiat- aamma atorfinitsitsinerne atugassatut malitassat

Akissarsiat- aamma atorfinitsitsinerne atugassanik malitassat nalilersorneqarneri kukkunersiuinermut ilaapput.

Naliliineq:

Nunap Karsiata kukkunersiuusuata misissugassanik tigusinermini suliani ataasiakkaani uku ilaatinneqanngitsut paasisimavaa:

- Ukiut suliffiusimasut tunngavigalugit naatsorsuinerit eqqortut
- Atorfinitsitsinermut allakkiamik atsiukkamik uppernarsaatit
- Ilinniarsimanermut uppernarsaatit, ukiut suliffiusimasut tunngavigalugit naatsorsuinerit aamma suliffigisimasat uppernarsaataat CV

3) Tapiissutininik agguaassinermi malittarisassanut tunngavissamik eqquutsitsneq

Aningaasanut inatsimmi tapiissutit tunniunneqartullu imminnut naapertuunnersut pillugu misissugassat tiguneqartut aallaavigalugit kukkunersiuineq ingerlanneqarpoq.

Naliliineq:

Misissugassatut tigusat Nunap Karsiata kukkunersiuusuanit misissorneqarput pingaarutilinnik oqaaseqaasiorfigineqaratik.

Covid 19-imut atasumik tapiissutit aaqqissuussanik assigiinngitsunik pilersitsisoqarpoq, taakkua immikkoortoq 3.1.2. ataani imm. 3-mi suliarineqarlutik.

4) Aningaasaliissutitut malittarisassat, taarsigassarsianut malittarisassat il.il.,
eqquutinneqarnerat.

Aningaasaliissutitut aamma taarsigassarsianut malittarisassat il.il. eqquutinneqarnerat
kukkunersiuisunit nakkutilliiffiqineqarput.

Naliliineq:

Ukiumoortumik naatsorsuutitut atasumik naatsorsuutitut nassuiaatit ilanngunneqartut
Nunap Karsiata kukkunersiuisuanit misissorneqarput. Nunap Karsiata
kukkunersiuisuata nalilerpaa naatsorsuutit nassuiaataat suli peqqissaarussaannerminni
aamma nikingasoorummut tunngaviusunik allaaserinninnerit assigiinngisitaartut.

6. Ingerlatsinermik kukkunersuineq

Namminersorlutik Oqartussat 2022-mut naatsorsuutai pillugit inatsisit atuutsinneqarnerannik kukkunersuineq avataaniit kukkunersuuisumit Inatsisartunit toqqarneqartumit ingerlanneqarnikuvoq, tassani ingerlatsineq aningaasaqarnikkut isumatusaarluni ingerlanneqarsimanersoq misilerarneqarnissaa siunertaalluni. Taamaaliornikkut suliassaqarfimmi sipaarsinnaassuseq, pilersitsisinnaaneq aamma pitsaasumik ingerlatsineq pisimanersoq Nunap Karsiata kukkunersuuisuanit ukkatarineqassaaq.

Tulliuttutigut allaqqasut ingerlatsinermik kukkunersuinermit suliassaqarfinni Nunap Karsiata kukkunersuuisuanit maluginiarneqarput.

1) Sulianik- aamma nukissanik aqutsineq

Aqutsisut paasissutissanik naammattunik aamma uppernassuseqartunik piffissaq eqqorlugu aalajangiinernijk tunngavilersorluakkanik aalajangiinissaminnut atugassaannut qulakkeerinnissutaasunik Namminersorlutik Oqartussat suleriaatsinik aamma nammineq nakkutilliinernik naleqquttunik pilersitsisimanersoq pillugu naliliinissaq kukkunersuinermit ilaavoq.

Naliliineq:

Sulianik- aamma nukissanik aqutsineq killilimmik annertussusilik taamaallaat ingerlanneqartoq (annertut ingerlatsinermik suliassaqarfimmi, taassuma ataani sulinermik ilinniarfinni, ulloq unnuarlu neqeroorutini aamma peqqinnissaqarfimmi) Nunap Karsiata kukkunersuuisuata nalilerpaa. Allaffissornermi suliassaqarfiunerusumi sulianik- aamma nukissanik aqutsinermut assersuutissanik nassaarniarnissaq ajornakusoorneruvoq.

2) Anguniakkanik aamma angusanik aqutsineq

Kukkunersuinermit nalilissallugu siunertaavoq, Namminersorlutik Oqartussat suleriaatsinik aamma nammineq nakkutilliissutinik pilersitsisimanersoq, anguniakkanik Naalakkersuisunit aalajangersarneqarsimasunik Namminersorlutik Oqartussat nalunaarusiornissaannut qulakkeerinnissutaasinnaasunik.

Naliliineq:

Namminersorlutik Oqartussani ilisimaaralugu anguniakkanik- aamma angusanik aqutsinermut assersuutissat ikittunnguit kisimik pigineqartut, soorlu ukiup ingerlanerani angusarineqartuviit pillugit uppernarsaatinut paasissutissat killeqaqisut pigineqartut Nunap Karsiata kukkunersuuisuanit nalilerneqarpoq.

3) Pisiniartarnermik aqutsineq

Namminersorlutik Oqartussat pisiniarnermik isumaqatigiissutinik neqeroortitsisarnissamut suleriaatsinik aamma nammineq nakkutilliinernik naapertuuttuniik pilersitsisimanersoq pillugu naliliineq kukkunersuinermit ilaavoq.

Naliliineq:

Naalackersuisoqarfiit tamarmik pisiniarnissamut pisariaqartitat pillugit
nalunaaruteqarsimangitsut kukkunersiuiinermi erserpoq.

*Pisiniarnissamut isumaqatigiissutit kiisalu taakkuninnga atorluaanerit
aallunneqarnerulernissaannik Kukunersiuiinermut Ataatsimiititaliamit
inassutigineqarpoq.*

7. Ingerlatsinermik kukkunersuinerit anginerit

Kukkunersuinermit Ataatsimiititaliamit imaluunniit Naalackersuisunut ilaasortanit ingerlatsinermik kukkunersuisut misissuinerannik anginerit 2022-mi Nunap Karsiata Kukkunersuisuanut inniminniisoqarnikuunngilaq.

8. Suliffeqarfiit nammineertitat aamma Namminersorlutik Oqartussat ingerlatseqatigiiffiini kukkunersuineq

Nunao Karsiata kukkunersuisua nangaassuteqarnani suliffeqarfiit nammineertitat naatsorsuutai pillugit kukkunersuisutut uppersaammik tunniussivoq, tamannalu ima isumaqarpoq naatsorsuutit ataatsimut isigalugu eqqortumik takutitsisut.

Namminersorlutik Oqartussat ingerlatseqatigiiffiutaanni ukiumoortumik nalunaarutini aqutsisut nalunaarutaat kukkunersuisut uppersaamerannik erseqqissaatitaqanngitsumik imaluunniit isorinnilluni oqaaseqaatitaqanngitsumik suliarineqarput.

9. Suliat, Kukkunersuinermit Ataatsimiititaliamit malinnaaffigineqartut

Inatsisartoqarnikkut nakkutilliinermi sulianut ilaavoq pisorat aningaasaataannik ingerlatsinermik inatsisartoqarnikkut nakkutilliinermut tapertaanissaq, taamaattumik Kukkunersuinermit Ataatsimiititaliap suliassaasa ilagaat suliat ataatsimiititaliamit suliarissallugit pisariaqartinneqartut malinnaavigissallugit. Suliat ataatsimiititaliamit malinnaaffigineqartarput suliarineqartarlutillu Naalackersuisut suliat pineqartut pillugit naammaginarumik akissuteqarnissaata tungaanut, aammalu suliassaqarfiup iluani ilutigisaanik pitsanngorsaasoqarnissaata tungaanut.

Tulliuttutigut allaqqasuni suliat Kukkunersuinermit Ataatsimiititaliamit ukiumi naatsorsuseriffiusumi 2022-mi aamma/imaluunniit suli malitsigisaani suliarineqarsimasut pillugit killiffiit allanneqarput.

1. Inatsit Tunngaviususaaq pillugu Isumalioqatigiissitat

Inatsit Tunngaviususaaq pillugu Isumalioqatigiissitamut tunngatillugu kukkunersuinermit nalunaarusiat marluk Naalackersuisunit pissarsiarineqarsimasut Naalackersuisut ataatsimiititaliamut nassiuppaat. Ilaatigut tassaasut kukkunersuinermit nalunaarusiaq Deloitte (25. maj 2022), kukkunersuinermit nalunaarusiaq EY-mit suliarineqarsimasooq (13. oktober 2022). EY-p nalunaarusiaani ilisimatitsissutigineqarpoq, Deloitte-mit kukkunersuinermit nalunaarusiamik allamik aamma Naalackersuisut tigusaqarsimasut. Nalunaarusiilli pingajuat taanna ataatsimiititaliamit suli tiguneqanngilaq, taamaattumik suliamik Inatsisartut naliliinissaminnut ilassutitut paasissutissanik annertunerusumik sunniuteqanngitsunik imaqartutut ataatsimiititaliamit nalilerneqarluni.

Deloitte nalunaarusiaa 25. maj 2022-meersumi Inatsit Tunngaviususaaq pillugu Isumalioqatigiissitap ilaasortaasa akissarsiaqartinneqarnerannut tunngassuteqarpoq,

matumani ilanngullugu qanoq annertutigisumik suliaqarsimanermut piffissamillu atuisimaneq naapertorlugu akissarsiqartitsinermut tunngasut.

EY-p nalunaarusiaa 13. oktober 2022-meersoq Inatsit Tunngaviusussaq pillugu Isumalioqatigiissitamut 2020-2021-imi atugassiissutigineqartunik annertunerusumik misissuineramik siammasissumik imaqqarpoq. Nalunaarusiami EY ilaatigut naliliivoq:

- Isumalioqatigiissitap ingerlatai, angusai aningaasaqarneralu eqqarsaatigalugit aqutsinermut akulikitsumillu malitseqartitsinermut periutsinik naammattunik Inatsit Tunngaviusussaq pillugu Isumalioqatigiissitaq amigaateqartoq.
- Inatsit Tunngaviusussaq pillugu Isumalioqatigiissitaq pisut ilaanni sipaarneq ajorsimasoq.
- Inatsit Tunngaviusussaq pillugu Isumalioqatigiissitaq pisuni ataasiakkaani suliakkiutit piusut avaqqullugu iliuuseqarsimasoq.
- Inatsit Tunngaviusussaq pillugu Isumalioqatigiissitap allattoqarfiani sulisut taarsigaannerujussuat sulifimmilu avatangiisitigut unammilligassaqarsimasoq.
- Inatsit Tunngaviusussaq pillugu Isumalioqatigiissitap allaffeqarfiani Aningaasanut inatsisini naatsorsuutigineqartut naapertorlugit inuttaqannginnera.
- Inatsit Tunngaviusussaq pillugu Isumalioqatigiissitaq inatsisitigut piginnaasalimmik naatsorsuutigineqartumik piffissap ilaani amigaateqarsimanera.

Kukkunersuiusut nalunaarusiaannut marluusunut Naalakkersuisut oqaaseqaataannik ataatsimiititaliaq piniarpoq. Kukkunersuiusut nalunaarusiaasa malitseqartinneqarnissaannut suliniutinik Naalakkersuisut aallartitsisut Naalakkersuisut oqaaseqaamminni nassuiaatigaat. Kukkunersuiusut nalunaarusiaanni inerniliisoqarneranik imaluunniit kaammattuisoqarneranik, imaluunniit taakku sunik tunngaveqarnerisut pillugit Naalakkersuisut oqaaseqaataanni isornartoqartitsisoqanngilaq.

Inatsit Tunngaviusussaq pillugu Isumalioqatigiissitamik Naalakkersuisut aqutsinerat kukkunersuiusut nalunaarusiaat tunngavigalugit **naammaannartutut uparuarnissaa** ataatsimiititaliami amerlanerussuteqartunit Inuit Ataqatigiinnit Siumimiillu tunngavissaqartinneqarpoq, ataatsimiititaliamili ikinnerussuteqartup Demokraatineersup Inatsit Tunngaviusussaq pillugu Isumalioqatigiissitamik Naalakkersuisut aqutsinerata **sakkortuumik uparuarnissaa** tunngavissaqarsoraa.

2. Isumaqqatigiissitsiniarnermik suliaq

Suliami isertuussisussaataaneq peqqutaalluni ataatsimiititaliamit suliaq qanimut malinnaavigineqartoq Kukkunersuiunermut Ataatsimiititaliamit ilisimatitsissutigineqaannarsinnaavoq.

3. **Kalaallit Nunaanni Aalisarsinnaanermut Akuersissutinik Nakkutilliisoqarfik (KANUAANA)**

Kalaallit Nunaanni aalisarsinnaanermut akuersissutinik nakkutilliinerup nukittorsarneqarnissaa pillugu Aalisarneq pillugu Ataatsimiititaliarisui innersuussutai tunngavigalugit, nakerisarsiunngitsumik KANUAANA-mit misissuisoqarnissaa Aalisarnermut Piniarnermullu Naalackersuisoqarfimmit suliakkiunneqarpoq, taanna pillugu Deloitte 2022-mi martsimi nalunaarusiornikuuvoq. Aalisarsinnaanermut akuersissutinik nakkutilliinerup ataavartumik ineriartorneranut ikiuutaanissaq kiisalu aalisarsinnaanermut akuersissutinik nakkutilliineq pissusissamisoortumik ingerlanersoq qulakkeerneqarnissaa misissuinerup siunertarineqartut ilagaat.

KANUAANA-p suliassat ajornarsinnaasut isumagisarpai, tassunga inatsisit malillugit suliassat assigiinngitsut arlallit nakkutilliinermik alapernaarsuinermillu suliassat assigiinngitsut ilaallutik. Deloittep erseqqissaanera aqutugalugu asseq ima ittoq pilersinneqarpoq, suliffeqarfik piffissap ingerlanerani paasissutissanik katersisarnikkut sularinnittarnikkullu allaffissorneq nakkutilliisarnerlu pitsaanerujussuarmik aqunneqalersimasut. Taamaattorli Deloittemit nalilerneqarpoq, sulisussat piginnaasallu eqqortut naammaqqissaartut pigineqartut ingerlatsinerup tunngasuni suliassat ajornarsinnaasut ilaannik aaqiiniarnissaq eqqarsaatigalugu. Tassunga atatillugu eqqaaneqarsinnaavoq, Aningaasanut inatsimmi aningaasanik Kalaallit Nunaanni Aalisarnermut Nakkutilliisoqarfimmi sulisunut ukiumut akissarsiasanik 56-it nalinginik immikkoortitsisoqarnikuuvoq (konto 51.01.05), kisianni taamaallaat sulisut ukiumut akissarsiat 43,5 sulisorineqarput. Tamassuma takutippaa sulisut ikippallaartut, tamanna allaffissornikkut ornigullunilu nakkutilliinerup sunniuteqartarpoq, taakkunani kingullertut taakkartukkat amerlanerusunik sulisoqalernikkut nukittorsarneqarsinnaassallutik.

Pissutsit pillugit allakkatigut apeqqutinik ataatsimiititaliaq nassiussinikuuvoq, tassani piniarnerup nakkutilliisunik pisanillu misissuisarnerup amigaateqarnerup tunngasut kingullertigut ineriartornerat annertut eqqarsaataalluni.

4. **KNI**

Suliffeqarfimmi quersuarmi naapertuuttoqannginnera pillugu isertortumik kalleriilluni saaffiginntoqarnerata kingunerisaanik suliffeqarfiup iluani ukiakkut 2020-mi misissuititsinerup KNR-p siulersuisui aallartitsipput. quersuarmiittuutit 2013/2014-imi allatorneqarsimagamik nioqutissaasivimmi amigartooruteqarujussuarneq toqqortortussanngorlugu, aammalu ukiuni tulluuttuni allattuisarnerup ersarlunnerulersinniarlugu naatsorsuutini suliaqartoqartarsimasoq misissuinerup takutippaa. Taamatuttaaq misissuinerup takutippaa, piaaraluni iliuuseqartoqarsimasoq ulluinnarni aqutsisunut, siulersuisunut kukkunerisuisunullu ukiorpassuarni toqqortorneqarluni.

Torersaalluni suliaq ukiumi naatsorsuuseriffiusumi 2020/21-mi sularineqartup ersersippaa suliffeqarfimmi suliniutit ilai aningaasaqarnikkut atuilluarfiusimannigitsut.

Tassani pineqartut tassaapput Neqi A/S aamma KNI A/S-imi Nioqqutissaasivik. Taakkua marluullutik Namminersorlutik Oqartussallu kiffartuussinnermut isumaqatigiissutaasoq aqputigalugu taperneqartarput, taakkua ukiut ingerlanerini isumaqatiginninniarnikkut inissinneqartarlutik naatsorsuutigineqarluni suliffeqarfinni aningaasaqarneq piviusumiit pitsaanerujussuarmik inissisimassasoq.

Ukiuni naatsorsuuseriffiusuni 2021/2022 aamma 2022/2023 Neqi A/S pillugu siunissaq ungasinnerusooq eqqarsaatigalugu sinaakkusiussat pillugit Namminersorlutik Oqartussat suliffeqarfinnit qanimut oqaloqatigineqartarnikuupput. Neqi A/S-ip akiitsui KNI-mit isumakkeerfigineqarnikuupput aammalu Namminersorlutik Oqartussat kiffartuussinissamut isumaqatigiissut 2023-mut Aningaasanut Inatsimmi 8 mio. kr.-nik qaffaavigineqarluni. Siunissami ungasinnerusumi sinaakkutissat qulakkeerneqarnissaat eqqarsaatigalugu kiffartuussinissamut isumaqatigiissutit nutarsarneqartarnissaat suli sulissutigineqarpoq.

Naatsorsuutit pillugit uupakaatitsiniarsimanerit pillugit inatsisilerinikkut suliamik naliliineq 2022-mi naammassineqarpoq.

Kukkunersiuinnermut Attatsimiititaliap suliaq qanimut malinnaaffiigaa.

5. Ivaaraq pillugu suliaq

Namminersorlutik Oqartussat suliffeqarfiutaani taamatut pisoqaaqqinnginniassammat inatsisitigut ingerlatsinikkullu sukaterinissaq qanoq iliornikkut pisariaqartinneqarnerisooq nalilersorniarlugu Ivaaraq pillugu suliame paasissutissat pingaarutillit Ilaqutariinnermut Peqqissutsimullu Ataatsimiititaliamit pissarsiariniarneqarnikuupput. Paasissutissat pissarsiarineqartut tunngavigalugit suliaq pillugu paasissutissat naammaginangitsutut Ilaqutariinnermut Peqqissutsimullu Ataatsimiititaliamit nalilerneqarput. Tamanna tunngavigalugu Ilaqutariinnermut Peqqissutsimullu Ataatsimiititaliap Kukkunersiuinnermut Ataatsimiititaliaq qinnuigaa ingerlatsineq pillugu misissuinnermik suliaqartoqassasoq.

Suliaq suli Kukkunersiuinnermut ataatsimiititaliami sularineqarpoq.

10. Siunersuineq

Meeqqanut, Inuusuttunut, Ilinniartitaanermit, Kultureqarnermit, Timersornermit Ilageeqarnermullu Naalakkersuisooq ulloq 19. oktober 2023 siunersuinnerissamut Ilaqutariinnermut Peqqissutsimullu Ataatsimiititaliaq peqatigalugu Kukkunersiuinnermut Ataatsimiititaliamit aggersarneqarpoq ukuninnga eqqartugassaqarluni:

- Konto pingaarneq 30.10.49 Sumiginnakkanut isumaginninnikkut suliniutit
- Konto pingaarneq 30.10.37 Meeqqanut Inuusuttunullu nuna tamakkerlugu ulloq unnuarlu angerlarsimaffiit

Immikkoortumi siullertut taaneqartumi Kukkunersiuinnermut Ataatsimiititaliamit immikkut soqutigineqarluni qulaajaqquneqarpoq Kalaallit Nunaanni meeqqat inuusuttullu pillugit

danskit/kalaallit suleqatigiinnerannut nunatsinnit tapiissutigineqartunit aningaasat qanoq annertutigisut atorneqarsimanersut a) ukioq naatsorsuiffiusoq 2022 kiisalu b) ukiunut naatsorsuiffiusunut 2019-2022.

Naalackersuisup akissuteqaataani ataatsimiititaliamut maluginiaqquneqarpoq naatsorsuutini allanneqarsimasunut sanilliullugu piffissami 2019-2022-mi atuisimaneq qaffasinnerusutut kukkusoqarneratigut Naalackersuisunit nalunaarutigineqarsimasoq. Tassungalu ilisimatitsissutigineqarpoq ukioq naatsorsuuseriffiusup 2022-ip naanerani systemi nutaaq atorneqalersimasoq, tamannalu peqqutaalluni naatsorsuutini kukkusumik piffissalersuisoqarsimasoq. Ilaatiguttaaq 2022-mi naatsorsuutitut allattukkat aamma 2022-mut naatsorsuuseriffiusumi piviusumik atuisimanerup akornanni nikinganeqartoq.

Ilutigisaanillu suliniutit 16-it suleqatigiinnerup nalaani aallartinneqarsimasut pillugit inaarutaasumik nalunaarusiap atuarnissaanut ataatsimiititaliap qilanaaraa. Tassunga atatillugu eqqaaneqassaaq nunatsinnit aningaasat tapiissutigineqartut atunngitsuukkat Nunatta Karsianut utertinneqarnissaat Naalackersuisunit siunertarinqanngimmat, illuatungaanilli susassaqrifiup iluani kommunit tapersorneqarnissaat suliniutigineqartoq.

Immikkoortumut kingullertut taaneqartumut tunngatillugu meeqqat ulloq unnuarlu paaqqinnittarfimmut inissinneqarsimasut ilinniarfimmittussanngortunut aningaasaqarnermut tunngasut pillugit takunninnissaq Kukkunersiuiinnermut Ataatsimiititaliamit soqutigineqarsimavoq.

Naalackersuisup akissutaani allaqqavoq inatsimmi atuuttumi meeqqat ulloq unnuarlu paaqqinnittarfimmut inissinneqarsimasut ilinniarfimmittussanngortut aniingaasaqarnikkut naammaginantumik pingartinneqarsimangitsut Isumaginninnermut Aqutsisoqarfik naliliisimasoq. Ilaqutariinnermut Peqqissutsimullu Ataatsimiititaliamit ajornartorsiutip paasiniarneqarnissaa Kukkunersiuiinnermut Ataatsimiititaliamit innersuussutigineqarpoq.

11. Kukkunersiuiinnermut Ataatsimiititaliap Nunatta Kukkunersiuisussaatut innersuussaa

Nunatta Karsiata Naatsorsuutaanut kukkunersiuisussaaq Kukkunersiuiinnermut Ataatsimiititaliap inassuteqaataa malillugu Inatsisartunit toqqarneqartarpoq tak. Inatsisartut suleriaasianni §25 imm. 2.

Statsautoriserede revisionsaktieselskab Deloitte Nunatta Karsiata 2024-mi naatsorsuutai pillugit kukkunersiuisussaatut Kukkunersiuiinnermut Ataatsimiititaliamit inassuteqaatigineqarpoq.

Taama oqaaseqarluni isumaliutissiissummilu allassimasunut paasinnilluni ataatsimiititaliap siunnersuut aappasaaniigassanngortippaa.

Mariia Simonsen
Siulittaasoq

Bjørk L. Olsen
Siulittaasup tullia

Kristian Jeremiassen

Dines Mikaelson

Karl Tobiassen